



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-411-3/21**
Datum: **06.10.2021.godine**

„Agencija za vodno područje rijeke Save“ Sarajevo rješavajući po zahtjevu vlasnika OR „Klaonica“ Prndelj Đevada, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta - zanatske klaonice krupne i sitne stoke, izgrađene u naselju Gornji Velešići, općina Novo Sarajevo, Sarajevo, na osnovu člana 109. stav (2) tačka 1. Zakona o vodama („Službene novine Federacije BiH“, broj 70/06), i člana 200. Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E **o vodnoj dozvoli**

1. Fizičkom licu Prndelj Đevadu, vlasniku OR „Klaonica“ daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta - zanatske klaonice krupne i sitne stoke, izgrađenog na zemljištu označenom kao k.č. broj 329, 331 i 333/2 K.O. Novo Sarajevo, naselje Gornji Velešići, općina Novo Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da korisnik poslovnog objekta za sve vrijeme trajanja ove vodne dozvole obezbijedi da se otpadne vode sa lokacije objekta klaonice prikupljaju putem slivne rešetke u taložnik, te putem interne kanalizacione mreže odvedu do ugrađenog tipskog separatora ulja i naftnih derivata, te nakon prečišćavanja priključe na kolektor otpadnih voda.
 - 3.3. Korisnik poslovnog objekta je obavezan da izgrađene objekte, a čija svrha je odvođenje i prečišćavanje otpadnih voda, redovno održava i koristiti na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.4. Korisnik poslovnog objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja („Službene novine Federacije BiH“, broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.5. Da se privremeno i konačno zbrinjavanje klaoničkog konfiskata koji nastaje u postupku klanja i obrade trupala kao i drugih nusproizvoda, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.

- 3.6. Da se spriječi nekontrolisano rasipanje tečnog i krutog otpada po okolnom zemljištu, te da se aplikacija đubriva na poljoprivredne površine vrši u skladu sa pravilima dobre poljoprivredne prakse, a u cilju zaštite podzemnih i površinskih voda.
 - 3.7. Pražnjenje sabirne/osočne jame može vršiti javno komunalno preduzeće ili drugo pravno lice registrovano za te aktivnosti u skladu sa potpisanim ugovorom.
 - 3.8. Da korisnik obavezno praktikuje suho čišćenje radnih površina, opreme i poda, a prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.9. Da se koristi uređaj za pranje pod pritiskom kako bi se smanjila potrošnja vode kod finalnog pranja radnih površina, a samim tim i količina otpadne vode.
 - 3.10. Da se, u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.11. Otpad koji nastaje u postupku klanja i obrade trupala kao i drugi nusproizvodi, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, fizičko lice Prndelj Đevad vlasnik OR „Klaonica“, je dužno provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, vlasnik, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Investitor Prndelj Đevad, vlasnik OR „Klaonica“, obratio se ovoj Agenciji sa zahtjevom za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta - zanatske klaonice krupne i sitne stoke, izgrađenog na zemljištu označenom kao k.č. broj 329, 331 i 333/2 K.O. Novo Sarajevo, naselje Gornji Velešići, općina Novo Sarajevo.

U provedenom postupku dostavljena je i pregledana slijedeća dokumentacija:

- Kopija lične karte;

- Kopija Rješenja o odobrenju izmjene naziva firme i predmeta poslovanja datog od strane Službe za oblast privrede i finansija Općine Novo Sarajevo, broj: 03-21-49/14 dana 27.01.2014. godine;
- Kopija Uvjerenja o poreznoj registraciji izdatog od strane Porezne uprave F BiH – Kantonalni porezni ured Sarajevo dana 17.11.2015. godine;
- Kopija Obavještenja o razvrstavanju poslovnog subjekta – fizičkog lica prema klasifikaciji djelatnosti datog od strane Službe za statistiku za područje Kantona Sarajevo, broj: 07-32.5-23958/15 dana 16.1.2015. godine;
- Kopija Rješenja o odobrenju izmjene namjene gospodarskog objekta, datog od strane Općine Novo Sarajevo broj: 07/1-361-3372/94 od 30.07.1994. godine;
- Kopija ugovora o vršenju usluga odvoza i odlaganja otpada na deponiju sklopljenog sa KJKP „RAD“ d.o.o. Sarajevo, broj: 05-02-04-661/16 dana 14.01.2016. godine;
- Kopija Ugovora o izvođenju priključka na kanalizacionu mrežu sklopljen sa KJKP „ViK“ d.o.o. Sarajevo 20.08.2001. godine;
- Kopija Rješenja o VD izdatog od strane Agencije za vodno područje rijeke Save, broj: UP-I/25-3-40-017-3/16 dana 30.03.2016. godine;
- Izvještaj o monitoringu kvaliteta i kvantiteta otpadnih voda obrtničke radnje „KLAONICA“ Sarajevo, urađen od strane „Inspekt – RGH“ d.o.o. Sarajevo, mart 2021. godine;
- Projekat izvedenog stanja – objekat za klanje životinja, klaonica zanatskog tipa, urađen od strane „ES HYDROTECHNICS“ d.o.o. Sarajevo, august 2021. godine;
- Kopija uplatnice upravne pristojbe.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20), ovaj organ je pokrenuo upravni postupak, te je dana 29.09.2021. godine izvršen pregled predmetne klaonice, izgrađene u naselju Gornji Velešići, općina Novo Sarajevo, Sarajevo, o čemu je sačinjen Zapisnik o uviđaju broj: UP-I/25-3-40-411-2/21.

Uvidom u dostavljenu dokumentaciju i izvršenim uviđajem na licu mjesta konstatovano je slijedeće:

Klaonica sitne i krupne stoke, OR „Klaonica“ vlasnika Prndelj Đevada, izgrađena je u naselju Gornji Velešići, općina Novo Sarajevo.

Objekat klaonice se sastoji od slijedećih prostorija: depo za prihvrat stoke, prostorije za klanje stoke, komore za hlađenje mesa, prostorije za privremeni smještaj kože, prostorija za konfiskat, kancelarije i sanitarnog čvora.

Po izjavi korisnika trenutno se u klaonici vrši klanje cca 2 kom krupne i do pet komada sitne stoke dnevno, što zavisi od potrebe tržišta.

Snabdijevanje vodom se vrši iz gradskog vodovodnog sistema.

Porijeklo štetnih i opasnih materija u otpadnoj vodi klaonice najvećim dijelom nastaju u procesu klanja i od pranja prostorija i opreme, što upućuje na potrebu sprečavanja dospjevanja ovih materija u otpadnu vodu. Za prihvrat ovih otpadnih voda izgrađeni su podni slivnici i kanalizacija, koja ove otpadne vode odvodi u taložnik, a zatim tipski separator masti i ulja. Čisti preljev iz separatora, preko okna za monitoring, se spaja na kanizacioni kolektor. Korisnik, odnosno vlasnik objekta posjeduje ugovor sklopljen sa KJKP „ViK“ d.o.o. Sarajevo za priključak na kanizacioni kolektor.

Investitor ima sklopljen ugovor, od strane KJKP „Rad“ d.o.o. Sarajevo za vršenje usluga zbrinjavanja otpada nastalog na predmetnoj lokaciji.

Otpad od klanja, papci, rogovi, kosti, iznutrice i drugi otpad, se skladište u posudama u prostoru odvojenom za takvu vrstu otpada, odakle se odvoze na komunalnu deponiju.

U klaonici je obezbijeđeno prikupljanje krvi od iskrvavljenja stoke. Krv se prikuplja putem slivnika sa rešetkom i prihvata u posudu adekvatnog kapaciteta sa odgovarajućim poklopcem.

Kože se ne prerađuju u objektu, nego se predaju trećim licima.

Đubrivo iz objekta za dnevni smještaj stoke se prihvata u sabirnu jamu – betonski bazen bez odvoda, koje se nakon sazrijevanja odvozi na obližnje poljoprivredne površine.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i člana 13. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta - zanatske klaonice krupne i sitne stoke, te je riješeno kao u dispozitivu ovog Rješenja.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.ing.građ.

PRILOG: Projekat izvedenog stanja – objekat za klanje životinja, klaonica zanatskog tipa, urađen od strane „ES HYDROTECHNICS” d.o.o. Sarajevo, april 2010. godine

Dostaviti:

- Prndelj Đevad, Gornji Velešići 108, 71000 Sarajevo (sa prilogom)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna tabla AVP-Sava Sarajevo